

此殘本談遷國權五冊朱氏潛采堂故物也按明  
史藝文志談遷國權壹百卷則此僅百分之五惜  
不得竹垞臧書目一考之竹垞以鴻詞入史館撰  
修明史全史體例皆其一手裁成觀曝書亭集  
史館工摠裁七書可以知其大略矣是書蓋即其  
時修撰之史料第二冊第四冊首葉有朱氏  
印藝尊四字白文方印又有秀水朱氏潛采堂圖  
書九字朱文方印不知幾經厄劫始得面然至于  
今日書不足貴乎澤可貴故重加裝池以插  
架子孫其永寶之己未臘月葉德輝記



是書各家書目罕著錄惟豐順丁氏持靜齋  
書目史部編年內有國權二十卷注云舊抄本  
明史載此書一百卷後失其大半丁氏為咸同年  
間一憾書家不復以殘本見棄則其書之珍貴  
可知矣書友李強之持舊書一單求售余收得  
數種此書二在內去大泉肆十近時書籍之貴  
可謂至極同日燈下之記是日梓兒入蒙塾邀粟  
谷青考廉揆授句讀內弟勞勉亟解元送入  
塾并邀同年汪頌年編修詒書胡眉壽吉士  
矩賢友人鄭叔靜探花沅在書齋共飲至

二教台散時指月十九日也

國權

起天啓三年七月盡天啓五年

鹽官談遷孺木著

天啓三年

七月己丑朔太僕少卿柯景為左通政

辛卯南京大內左離宮災

尚寶少卿徐良彥為大理寺左寺丞浙江副使姜志禮為尚

寶少卿

山東巡撫趙彥以英國公遠族張樞假英國公驛驛嚇滕縣

屠城擬戍上命棄市

工料給事中方有度言遼左發難民間新餉歲四百人十五萬有奇通五年約二千餘萬頃見天津督餉侍郎畢自嚴疏每歲山海內外騎步兵十一萬有奇本折草料海運及文武將吏軍匠俸給之費共四百餘萬此就關兵言而款西胡即視壬戌年例七萬金不與也此外己未年登萊增水陸兵二萬天津增水陸兵一萬四千庚申年京師立振武營增新兵三千三百辛酉年通州增騎步兵九千八百壬戌年密雲增車兵一萬張家灣增新兵六十京師十六門新兵八千毛文龍海上兵二萬共九萬一千有奇除登萊之兵餉半支本省

坐派銀振武營十六門之兵餉坐支京師倉米其餘新兵歲費九十萬不與也此外壬戌年薊鎮舊兵議增餉歲約數萬不與也有軍則有操賞之費有收馬之費有脩舟車之費有官役俸廩之費即毛文龍海運贖費已五萬歲費約十餘萬不與也自山海關四百萬外各處新兵歲費百二十萬合之約五百二十萬矣歲派四百八十五萬毫釐不虧盡充軍需已缺三十五萬然而不能也今北直加派四十三萬免矣山東四十四萬八千作登萊兵餉併市米運天津矣湖廣七十一萬九千廣西六萬四川二十二萬雲南一萬六十俱作黔餉以上蠲免留用外計歲加派四百八十五萬又虧百七十

九萬矣至水旱之不時分數之不及臣未暇計也以前浮于  
加派之外三十五萬今縮于加派之內百七十九萬二項共  
虧新額二百十四萬又舊額遼餉五十二萬合應補入則山  
海一路歲虧百六十二萬矣夫此百六十二萬也將仍間之  
民間乎民生實難計天下正供九邊額餉歲入太倉銀庫約  
三百四十餘萬今遼事加派至四百八十五萬視正供數則  
倍且餘四此外缺餉百六十二萬則于加派見額又溢十之  
三由今之道而無變計即令東師長伏不西向遺一矢而天  
下已坐敝矣乞勅戶兵部總計之養兵補餉不病國不厲民  
毋待其變而後圖之上從之

許監主茅元儀赴督輔行營

戶科都給事中尹司臬以郡縣逋賦求嚴考成之法凡入考  
成俱加等科筭或降俸降級甚則削籍雖陞任丁憂俱究論  
從之

甲午巡按貴州御史侯恂言安賊馮險負固我徵兵轉餉猝  
未能得其要領以勾連黨與實有為之狐兔者故必滇兵下  
盤江以斷賊之臂川兵出遵義以扼賊之吭粵兵進泗城以  
衝賊之脅此全局也至日前急着一在屯陸廣蓋大方之正  
路期會未齊不宜輕進當于乾溝劄佐分兵截守部署大軍  
直逼陸廣使賊租無<sub>收</sub>因相機搗剿則坐困之道也一在清上

衛普安久陷安莊一帶危同朝露然李希堯沙學輩小  
醜得一大帥鼓行而前不走則就縛耳因駐鎮其間引滇粵  
之師三面環攻則立蹙之計也一在守烏江遵義咽喉之地  
黔督節制所不能及是川黔分而水蘭合也故必守烏江近  
以招棗宅溪散賊黨遠以連合綏陽白羊諸軍斷賊路而因  
以進沙溪瞰大方為陸廣之應使賊首尾受擊則衝決之衆  
也用兵計必需餉兼必需米乞勅楚撫刻催黔餉湖西湖北  
從之

丙申命太常寺少卿慕謙貞勅旌韓莊王妃董氏及韓王璽  
春節孝

錦衣衛指揮僉事項俊卿赴督輔行營勅孫承宗以胡官副  
總兵王世忠領廣寧兵三千依虎酋部易其糧料招撫灰額  
魚皮金白諸部世忠乞俊卿為佐

丁酉安南祿州酋何惇入犯上思州圍遷隆崗掠憑祥白沙  
村廣西巡撫何士晉擊敗之

己亥大學士史繼偕致仕進少保廢中書舍人  
故遼東僉事 予祭塋謚

辛丑前禮部侍郎范醇敬以大計拾遺被糾子南京刑部郎  
中得志奏南京御史王允成把持法司賄庇親屬允成亦叅  
范氏貪橫不法諸臺省謂得志借題欲翻察典竟坐免

刑科給事中解學龍劾范醇敬子得志及工部尚書鍾羽正  
南京戶部侍郎于仕庶候補兵部主事盧承業上以羽正仕  
庶夙望不得輕言

壬寅少詹事駱從宇為禮部右侍郎庶子趙秉忠為少詹  
事國子司業蔡毅中為右諭德纂脩實錄

甲辰沅陵向學家牛生犢一日二首三尾剖之一心三賢

英國公張惟賢等上光宗貞皇帝寶銀寶訓上表冕御皇極  
門內殿受之是日受朝賀

兵部尚書董漢儒言樞輔孫承宗疏逃兵接陣可虞巡按彭  
鯤化疏牛欄山新兵夜謀逃數百人陝西寧夏宣府各逃兵

而延綏所調逃七百餘人從青山口投北矣人情蠢動宜懸  
嚴令購賞格報可

刑科都給事中曾汝台言張差一案終以發奸為是風癩為  
非移宮一事移宮為是順從為非至于經撫喪師失地同抱  
頭鼠竄又同則經撫同罪為是分袒左右為非信史筆削弗  
可輕也臣願刑垣立枷之法問一行之如假印者可耳倘巨  
璫宵士欲巧借立枷泄憤所傷不小報聞

乙巳暨紀兵道李仙品劄可訓報官兵于龍場壩盡焚奢氏  
巢穴崇明等無所歸總兵

率叅將林兆昂進兵楠木  
坪白水崖斬偽官三十六級禽偽都司陳清等四人苗級四

百五十餘級又遵義路副將秦行祚進兵茶園橫山箐斬獲  
頭目四人苗級三百八十餘級禽偽總兵王朝臣苗賊七十  
九人綏陽路都司傅元勳攻白蕩毛臺斬獲大頭目阿獨獅  
苗級二十一賊勢漸迫總兵李維新移古蔭趨各路兵  
丁未外戚鄭養性至浙欲倚杭州巡撫耿庭柏言其非使命  
擇居僻所

談遷曰鄭氏不過通籍掖廷依憑寵焰非鑿齒之兒也遷  
謫外地亦足矣安在投豺虎禦魑魅哉疾之已甚未李大  
抵如此

工部尚書鍾羽正罷

戊申辰州向占寧家生子猪身人足一日旋覽巡撫薛貞  
以聞

已酉刑科都給事中曾汝呂言登萊海國也敵即兇悍舍鞍  
馬而爭衡于舟楫雖至愚不為則登萊巡撫徹之可矣但擇  
才望道臣鎮之佐以參將率兵五千聽東撫調遣天津去海  
百二十里冒險深入兵家所忌敵未必來備亦不可少而彈  
丸之地而建牙錢廣設道府將官甚費則督餉部院與天津  
巡撫宜併一僅留才望道臣二員鎮守而分山海總兵一員  
率萬人與永平道訓練至經撫位不甚懸言動易際今裁經  
略獨用撫臣似不如澤一撫臣加以經略俾駐節巖關巡行

天津永平與薊遼總督唐嵩尤為得策其贊畫諸人全無實  
用亟宜擯斥命下所司

辛亥以實錄成監脩英國公張惟賢進太保詹監總裁葉向  
高進左柱國兼尚書俸詹尚寶司丞韓爌支俸同詹中書舍  
人何宗彥史繼偕孫承宗進少傅兼太子太傅朱國禎朱延  
禧顧秉謙進太子太保文淵閣大學士並詹監已改向高左  
柱國副總裁林堯俞進太子太保鄭以偉加俸一級周如磐  
進太子賓客錢象坤加二品服俸纂脩官周炳謨張鼎進太  
子賓客二品服俸董其昌進禮部右侍郎兼侍讀學士協理  
詹事府朱宗道等各加俸一級

談遷曰光廟西月所錄幾何當時董其昌獨成之福清稍  
潤飾焉天寵洵被頗逾涯分拘于往例不能越也

兵科給事中周之綱奏女擾大計其論郵政凡牌符內出或  
奉某差或差某人為某事非駕司開寫詳明則木科不任受  
或有遠年或有買托概收明登簿凡自外入如各鎮總兵之  
差官紛紜四出諸王府內守脩之差遣假借無馮偵其故在  
各鎮凡一東鉞即濫請以出及送倩送借又濫假以入至王  
府之執符驗則曰給之撫按符驗之易勘合則曰姑准換給  
內監之用夫馬動至數百出京之執原數藉口傳單皆虛冒  
也請自今撫按總鎮所請牌符若干仍遵往例事竣時存留



若干並繳部送科並却符換給傳單濫用皆裁減可也命下  
部議

癸丑督理遼餉戶部侍郎畢自嚴上言銜輝推官益養忠運  
餉于毛文龍仍勅諭朝鮮歸得篡立之詳李暉素稱仁柔李  
侗其親姪也見暉有疾令平山節度使李貴練兵五百赴王  
京密約繼母王大妃舉火于宮侗率李貴領兵入救縛暉火  
中併世子宮眷盡之侗遂即位馳誅平壤守臣樸煒等數其  
暗通建州藉口以報中國也

甲寅夜有星自大角流入上台色青白二小星隨之  
太監王體乾宋晉魏進忠梁棟王朝忠等十二人蔭錦衣衛

指揮使等秩視先年黃錦王本馮保例世襲奉聖夫人客氏  
子侯國興蔭錦衣指揮僉事亦世襲兵部尚書董漢儒等言  
武職非軍功不世襲外戚奉命世襲止許一輩載在會典先  
朝李化龍郭子章江鐸以播州功世蔭葉夢熊梅國楨以寧  
夏功世蔭李汶田樂以松山功世蔭始得錦衣指揮使或僉  
事其他千百戶之世及必禦寇俘斬者也今皇上第見諸人  
勤勞可嘉戊未攷祖制耳先年黃錦等例冊籍以考錦等後  
人今亦無列錦衣者可以解諸內臣之惑矣吏科都給事中  
程註等河南道御史汪泗論等各言之不聽  
丙午宴監脩總裁官于禮部仍賜金幣

兵部尚書董漢儒憂去

廣東道御史李女追論削籍太常寺少卿姚宗文閱視之後  
微詞隱刺使熊廷弼不竟其用薦王化貞斷送廣寧一劉國  
縉為宗文師盜餉倖官一劉朝行邊為誅關撫一王猷挑釁  
西胡為宗文蔽匿一賈繼春優待選侍為宗文挑激

辛亥右通政劉憲章為南京太僕寺卿河南右布政王豫為  
南京光祿寺卿

大理少卿范濟世子告御史霍鏐劾濟世附賈繼春謬說上  
不問

壬子故南京兵部尚書孫鑛贈太子太保詹監

甲寅登萊巡撫袁可立言今二月總兵沈有容以生員金應  
魁所齎東師復州總兵劉興祚即劉愛塔密稟內應且求臣  
免必加銜牌票隨給去有容于三月十三日率兵出海援之  
其後續報皆云興祚七月來歸始四月間以金州濱海人民  
徙復州以王丙之故致露將興祚并李永芳長子械去殺其  
弟劉興仁及王丙屠城驅其餘及于永寧蓋州四衛已空其  
三沿海四百里之地彼盡去之而不據僅遺西連十人當斯  
時也東寧前住防之衆朝鮮助兵之初大兵出關東下旅順  
犄角夾攻恢復可圖但須審勢耳  
乙卯南京吏部尚書何熊祥終養

丁巳以玉牒成駙馬都尉侯拱辰子昌胤廕監

貴州巡撫王三善深入大坳洪紅烏崗烏芸苗望風奔潰  
奢社輝安位焚毀大方竄火灼堡安邦彥逃入織金三善遂  
屯大方前被陷進士田景猷參將劉忠敏前鋒楊明楷得還  
安位遣劉光祚赴鎮遠乞降總督楊述中許之今擒奢寅父  
子自贖三善以元凶未窮當用勦為撫由是督撫議遂不合  
三善駐大方日久邦彥令陳其愚詐降得參軍務纖悉盡知  
矣

八月己未朔安氏傷總兵何中蔚何應良陳勝八磔于市宋步  
玉何年弟宋祖胤丁氏等十八人俘至京伏誅

內使上文進毆戴進忠死下司禮監餘付法司刑部尚書孫  
瑋請從法司不許

莊士元葉市士元為鄭養性及內侍劉朝草揭者

庚申大學士韓爌求如同官何宗彥例移贈本生祖父少傅

上命特給

吏部左侍郎王舜鼎為工部尚書

朝鮮昭敬王妃金氏請封命廷臣議之

辛酉故禮部尚書徐學謨孫元啟乞補廕許之

癸亥順天府丞王惟儉為大理左少卿

甲子大星出斗魁犯狗國

乙丑發帑十萬金餉關門

右諭德錢龍錫為南京侍讀學士

江西按察副使林恭章為雲南右叅政

丙寅貴州道御史胡良機請罷內操慎考選裁徐州總兵呂  
還蕭如薰主京營上以徐州總兵聽部議餘報有旨兵部覆  
暫仍俟後從之

丁卯大學士朱國禎擇真太學

巡視布花禮科給事中郭興言以戊卒賞給布花愆期至正  
月報竣將何以禦寒今後省直起解本年九月全完十月初  
給散又該部歲賞諭二十萬臣謂戶部宜專委司官一同兵

部令各營衛印官預造年貌冊監閱從之

戊辰總督薊遼尚書王象乾以諸部叩關請撫賞出帑金十  
萬固寺金十萬給之

庚午命大理寺丞方大鎮勅旌蜀王奉銓及太平汶川二王  
仍賜奉銓金綺立坊以捐餉助守也

故禮部尚書范謙贈太子太傅

辛未故貴州推官郭象儀子光先廕奉衛正千戶世襲

甲戌巡撫山東兵部尚書趙彥還朝

南京國子祭酒黃儒炳為南京吏部右侍郎  
乙亥光祿少卿呂純如為順天府丞

故滕縣知縣贈太僕寺少卿姬文胤子祭一壇立祠  
工科給事中陳爾翼言浙事織造料價一百一萬五千兩有  
奇今虧額三十七萬八千五百有奇乞于十八運減數萬或  
每年暫停一運不聽

山西道御史吳姓請還故刑部尚書王紀御史王祚昌亦以  
為言報聞

吏部會推刑部尚書王紀諭重慶首司餘各罰俸輔臣揭免  
丁丑禮部尚書林堯俞言署會同館主事畢自肅呈稱須賞  
兀良哈近五百人其賞有正有補有正補加添共計萬金乃  
銀段衣服輒揀棄若不知為朝廷之賜職取而視之多朽蠹

破壞手不可觸始歎胡人驕悍國其天性抑誰寶籍之口也  
織造自有額價額絀惡若此又琉球等國梯山航海而來正  
使賜紅袍金帶從人賜靴襖等物更不堪寓目豈所以宣皇  
恩而懷遠人也哉乞工部稽覈精好盡洗陋習上是之

刑科都給事中曾汝昌為太常少卿禮科左給事中周朝瑞四  
川道御史張脩德為太僕少卿河南道御史馮三元為大理  
右寺丞

四川鎮平堡地震

南京浙江道御史曹汝蘭言先臣薛蕙效忠先朝驗封臣徐  
大相為乞表章皇上厭請乞之多遜蒙降調似不宜遐棄不

聽

順天提學御史左光斗言先年一月間遺弓再泣臣與楊連  
力爭移宮已求皇上恩禮選侍疏實與賈繼春揭同繼春卒  
披嚴譴迫連去繼春亦去又范濟世生平端謹祇緣引悞繼  
春剖心自明是繼春方出于借外而濟世不覺入子借中臣  
所為惜繼春并惜濟世也至詞臣文震孟鄭鄞寺臣滿朝薦  
科臣毛士龍銓臣徐大相均當召還上以瀆奏不問  
禮部尚書林堯俞言朝鮮昭敬王妃金氏疏稱李瑄積為不  
道淫侈恣虐蒸亂之穢行道掩耳而李侗無利國之心方厭  
亂樂推聽其言似可為李侗解矣然不有晉天之共主在一

介行李告于闕廷一廢一興誰曰不可而偃然易數十年之  
舊君奄有三韓則又不能為李侗解也有請討者御史田惟  
嘉也謂當討而再詰其詳登萊巡撫袁可立禮科都給事中  
成明樞也謂不可不討而不可遽討督餉臣畢自嚴也謂令  
毛文龍詰以大義察其輿情關臣潘雲翼南臺臣王允成也  
謂瑄誠通敵則侗之立非篡者御史游士任也乃毛文龍謂  
瑄實背德侗改其行誅黨惡助叛之臣臣等乞勅同兵部再  
遣貞士信臣同毛文龍公集舉國之臣民再四細詢如李瑄  
無悖逆通敵而李侗篡立則王法自在誰得而寬如李瑄自  
絕于天親離衆叛李侗前不與篡弒之逆計後自值推戴之

公情當再議之以請聖斷從之

禮科左給事中周朝端請慎擇朝鮮使臣時錦衣衛指揮龔事張道濬自請往朝鮮故朝瑞言之且及前益養志宣諭不職狀章下所司

戊寅復懷仁王府輔國中尉充鮮爵俸初疏救劉光復故四川副使贈光祿寺卿李繼周予祭葬

太常少卿胡汝政為右通政

己卯御史盧謙過庭訓為江西右叅政工科左給事中郭允厚為湖廣副使戶科給事中陳胤薰為湖廣叅議御史林一柱為廣東右叅議曹守勳為陝西僉事

辛巳命總督恭順侯吳汝胤等核京營

壬午余懋衡為南京吏部尚書曹于汴為吏部左侍郎時正推李三才馮從吾不用輔臣以為言不聽

前右贊善李標為右諭德纂脩實錄

癸未禮科都給事中成明樞為太常少卿陝西道御史馮英四川道御史張師益為太僕少卿

初御馬監以郊祀所用五方纓甲馬天啓元年疏請太僕寺寄牧二千匹發監調習至是上將親郊趣之太僕知柳位爭之言御馬監有三千餘匹每匹用軍二人自萬曆以來費何啻數百萬而不以供一日之用何也上竟許千匹

左都御史趙南星申明憲職言臣無職也以諸御史為職諸御史皆稱職即臣之稱職彼出而巡方在舉劾得當舉劾之所以不當人務于市恩而莫肯任怨也不過曰此我之同鄉故舊不能忍也曰此權要之所託也是能報復不可動也不劾則須舉之又從而過譽之貪者廉于伯夷而酷者惠于子產則所劾皆貪酷而孤拙者耳又率多從寬故曰舉劾之不當以人務于市恩而莫肯任怨也臣請以後按臣差滿將所舉劾令河南道發單細訪類送堂官必舉劾允當而後為稱職否則即以不稱職論庶惕然猛省共圖百姓之安上大是之



御史劉璞劾冒濫詹事府禮部尚書蕭雲舉及光祿寺丞秦聚奎桂有根魯同升等上以雲舉兩朝講官令來供職餘下部議

九月戊子朔己丑故右副都御史李同芳贈工部右侍郎蔭監庚寅上視朝以實錄成賜輔臣葉向高韓爌何宗彥史繼偕孫承宗朱國禎顧秉謙朱延禧金幣麒麟服鞍馬有差兵部右侍郎余懋衡辭不任竟引疾去

戶部尚書陳大道致仕

辛卯御史游鳳翔言臣閩人也閩自紅夷為祟數年築城澎湖以脅互市及中左所登岬寇掠倖以講和愚我以回航緩

我今一年矣強敵入境可不為之寒心哉初紅夷寇六鰲砲碎官舟四十七艘殲三千人又戰于科羅把總丁贊必之敗沒千餘人遂困官兵于澎湖且六月巡撫南居益憂之或獻計曰彼水戰難敵若陸圍則不如我而日本帥李旦固閩人誠招之則彼不為助可圖也乃遣黑鬼數人入海携石陰繫其柁因駕火筏燒之夷不能運舟而敗又誘之陸戰溪發銃即偃銃過鼓而前大敗之而李旦亦招至諭解紅夷去之壬辰刑科給事中解學龍言額餉當核額兵當清軍需當節馬兵當酌冗將當裁若合天下而講求之亦有可淥而言者高皇帝時文官五千四百有奇軍職二萬八千有奇神宗朝

文官增至一萬六千餘矣軍職增至八萬一千餘矣今日文  
不知增幾倍臣以為主爵者肯細心商度凡可裁者裁之縱  
不能盡如祖制亦可歲得餉數十萬如布按二司其屯田水  
利督糧清軍各道可以相兼而理每司裁一二員同知通判  
設至四五員每官裁一二員首領官有三員有四員每府裁  
二員教官則府學裁二員州縣學裁一員裁官則省俸併與  
卓公費而省之乞勅撫按確查應裁之官若干俸薪與馬若  
干卓快公費若干稽實冊奏每年隨京邊解貯餉部可也此  
文臣之可言者也餘及武職將兵吏役等上是之  
癸巳戶科給事中陳良弼言防微于聖躬防微于詔今防微

于諫議防微于人才上怒其輕率下詔獄

滇師西路援黔將袁善出乎夷襲破土官營達于安南衛  
布政使謝存仁出黃草壩各有斬獲安南衛自二年二月被  
困至是始解

乙未左通政桂有根為太常寺卿

吏科給事中李春燁劾陶朗先任道撫五年侵餉十萬

丙申總督倉場戶部尚書李宗延還部太常寺卿南全仲為  
南京戶部右侍郎

戊戌陝西左布政吳士奇為太常寺卿

己亥吏科給事中蒲秉權以兵部侍郎劉日梧陞任逾年未

赴西京部寺亦多累歲逾限請勅該部覈品酌用餘或加銜  
予告或開缺另銓至司道郡守違限則參處從之

庚子太僕少卿葉茂才為太常寺卿尚寶司少卿麻僖為太  
常少卿

刑部主事譚謙益薦楚黃異才宋明時秘授神符乞假軍師  
之令築壇推轂有旨下兵部主事周維璉疏駁之言自古及  
今未有使鬼役神而能破賊成功者毋今天下後世笑人且  
咨送薊遼總督試驗果有才略漸加名號出關未晚從之  
辛丑太子少保禮部尚書林堯俞請定章疏之格惟據事直  
書按人定論即多亦不過五六百字而止上從之

壬寅夜月食

太僕少卿胡世賞為寺卿

故四川總兵晉江黃守魁贈都督同知廕本衛副千戶予祭  
葬 庶著崇明之難

甲辰木星順行犯軒轅

鑄南京戶部鹽引印

乙巳初御史張素養按浙薦姚宗文印輔忠劉廷元齊琦名  
等為臺長趙南星所糾奪俸五月至是素養諉之道府開報  
南星言若然則有道府足矣何必御史巡方請吏部重論并  
罪道府從之遂謫素養行人司副

前太子太保戶部尚書兼文淵閣大學士吳道南卒道南崇  
仁人萬曆己丑進士授編脩在史局硜硜自好秉禮尤清執  
丙辰典試誑誤被攻適艱去所著河渠志大政議贈少保廢  
中書舍人謚文恪

壬子擒設科于霑益別寨去霑益六十里守備郝太極密計  
欲圖設科以焚人段起麟可遣曲靖道右叅議王鏌叅將尹  
啓易召議往返數月使其在別寨因夜襲之蓋安邦彥女弟  
安效良弟效賢婦盜魁也

十月戊午朔己未兵部左侍郎李瑾覆萬曆丁巳以來延綏寧  
夏甘肅九捷皆奇功也宜告郊廟陞賞從之

談遷曰賞不逾時所以慰關臣而勵武節也自萬曆丁巳  
歷今幾七年矣愁燐怨髮殆且半之始瀆郊廟叙陞賞樞  
臣曰例也邊人曰河清可俟末季雖叙功吏卒未嘗有德  
色也

辛酉乎遼總兵毛文龍報劉興祚之歿遣都司張盤潛師夜  
復金州今欲擬金州圖三衛又滿浦昌城之捷斬百三十八  
級俘四人總兵沈有容報三月內統師出海彼已棄金州不  
守又報六月張盤風入麻洋島船壞寄居又報九月二日彼  
偵金城有人襲殺二百餘人張盤向住麻洋島敵燬其城塘  
報互異命核之登萊巡撫袁可立奏劉興祚事泄而金州空

沈有容以兵寡不可守而張盤入據聞金州有人率衆逼張盤于麻洋島此金州復而不復之實也上勅獎文龍賜百金蟒服勞吏卒三萬金

談遷曰張盤入金州敵所必爭島兵鼓行而前則金州可完而帥俱怯坐墮成筭而猶曉曉稱功珍救帚而寶破甑蓋蒙蔽者稔矣

鳳縣有大鼠由翅無足足寓于翅之角毛黃黑豐尾若貂首若兔飛食黍粟獲之長尺有咫衡一尺剖腹粟幾一升癸亥山東右布政李右為南京太僕寺卿光祿寺丞韋蕃為大理寺丞浙江右叅議錢春為尚寶少卿

叙平妖功進趙彥太子太保世錦衣衛指揮僉事賜金幣表可立進兵部右侍郎楊肇基右都督廕本衛正千戶金幣半之李養正等三百餘人各陞賚有差

甲子袁善屢敗賊屯安南衛

丙寅廷讞李維翰楊錫李如柏等九人出入長安右門俱舍人持械鎖上聞之刑部郎中余繩訓主事洪聲遠副兵馬段杲張新聘竝降謫

己巳皇長子慈懿生旋殤中宮出

禮部尚書林堯俞言謚典五年一舉自萬曆丁巳至天啓二年例應訪採會議從之

禮部尚書李宗延言屯田太僕寺兼御史董應舉稱畿東地極多亦易為效所領帑金開荒止二萬餘收麥黍稻見五萬五千餘石黑荳粟雜糧及涿州水旱子粒未報明效已見臺省交章請加節鉞命加巡撫銜

辛未大學士葉向高請今歲郊祀宜停刑未許

談遷曰萬曆初命停刑張文忠力爭之而止天啓初債將贖臣方弁髮王鉞輔臣反陰為之地馬何也豈真帝德好生耶

壬申日講官禮部右侍郎周炳謨致仕

癸酉少詹事趙秉忠為禮部右侍郎直日講

尤都御史趙南星為吏部尚書

前太常少卿陸卿榮起南京

甲戌葉向高復請停刑

貴州總督楊述中奏副總兵左世選破安氏碗蛤壘羊雀壘

浮斬千二百餘級獲人畜止篋

大理寺丞毛一鷺為右少卿

乙亥京師地震

南京太常少卿岳元聲為太僕寺卿尚寶少卿劉定國為太僕少卿

丙子葉向高等固請停刑許之

丁丑轉漕粟十萬石餉毛文龍

己卯皇次子慈愍生慈妃范氏出

癸未上告太廟已刻日生重暈暈旁生左右珥

徵戶部二十萬金同金十五萬光祿寺順天府各五萬頒賞  
乙酉戶科給事中陸文獻言光祿寺見金五萬五千有奇今  
徵五萬寺臣何喬遠衡命不敢盡進不得已進三萬金猶未  
蒙俞旨望皇上矜允命所司議之

雲南巡撫閔洪學言粵之外尚有蜀會川一徑自金沙趨建  
昌計程半月可達誠不若粵土司界中遲險數旬然蜀止會  
川一隙而粵西田州歸順泗城安隆在在可走乞粵蜀並開

如門其南麓入海可為堡屯萬餘人而北之孤起者曰望海  
圈固臺也南接覺華島各駐一軍則水道可絕又次日出寧  
遠二十里至雙樹堡又十里至連山堡又十里至單笠山其  
巔可立為砲臺望大紅螺可百里杏山則三十里其近則西  
去九窰衝九百步東南去鎮接堡三千六百二十七步而海  
環其三面又東南有徑而險臣于先一日期金冠會於葫蘆  
套套在鎮倭臺南而臣從陸冠從水議于套設水信特令冠  
習風色以便策應而瓦窰衝東有東寧伯焦禮所為寺可設  
伏以西應沙河北應椴木衝東南連單笠山以及于海又北  
為塔山即中左所在衆高之下又東北為杏山亦平行無可

守繇樞木衝而西北為紅螺山迤邐東南抵威遠山後其東  
接康家臺山折而東南為蠟子山遂至首山其與玲瓏山相  
夾處當大道之衝可立關城名以寧遠北接蠟子山中有平  
原河水環其前可為堡西北直接康家臺撫臣從臣初議仍  
置安山灰山于中灰山不可燬及而隨在石有薪其西擬  
威繼光脩薊門法為臺垣以收此二百里為內鎮而山海不  
覺在重垣之內矣總之以脩築因遠山以策應因遠海以守  
土因遠人以養人因遠工以斟酌遠近分布控扼因後先遠  
之大吏臣去歲商度惟有開屯一法可因土食民令總計五  
城十三堡兵民不下十餘萬田可五千餘頃臣與督撫許以

道從之

閏十月丁亥朔督師大學士孫承宗言若失遼左必不能守榆  
關失覺華寧遠必不能守遼左臣敢再閱三百里情形以悉  
守之略臣九月丙申出關東過八里舖抵中前所兵共千五  
百有奇士銳馬壯居人可三千又一日抵前屯其協將趙率  
教遠望其穫田表畷若鵝鵲之群百千欲來登其陴城且歸  
然力能使其人勞而不怨兵民可六萬更勇于公戰奪胡騎  
四十二折其酋首者三使東人跋跋不敢踰固將材也又一  
日抵中後所又一日抵中右所中後所城工不加前屯而砲  
火器具俱精堅且地饒多資兵民不下萬餘中右地饒于中



後城內築可三面又一日抵寧遠臣初以寧遠去關愈遠去  
敵愈近且城大而瑕地廣而荒姑以祖天壽司版築汪蒼司  
窰造後先接河東之人萬餘合兵民不下數萬登城四望生  
氣鬱然因思為國家遠計則此城為必爭之地又次日向覺  
華島島去岫十八里而近地瀕海而肥可屯登岫之兵次日  
遍歷洲嶼西南望榆關在襟佩間獨金花之水兵與運糧在  
土人附夾山之溝而居蓋水陸要津也其舊城遺跡可屯兵  
二萬臣先令龍武西營分哨覺華特于山巔為臺時眺于數  
百里外次日還寧遠又次日閱湯泉亦可屯兵然不若望海  
臺北望首山旁之黃毛山南望覺華之靺鞨口劉家山相對

婦金買牛其地耕具糧料俱為儲算仍令胡維寧趙佑同各  
城堡官大集舊人覈其原隰肥磽伍士多寡之數民力能占  
種者許以三年起科又督撫諸臣議因煤鑄錢因地煮鹽因  
船通用物皆關門稍行之而效者巨繇連山回遂任前屯凡  
戰守之具足關門之用則漸移于外待前屯既備使可以備  
前屯者備寧遠矣上大是之初承宗至寧遠同監軍袁崇煥  
主事鹿善繼力主守遂任滿桂鎮之參將高見賀謙祖天壽  
築城明春期竣

辛卯吏部左侍郎蕭雲舉為禮部尚書署詹事府太常寺卿  
署國子祭酒南師仲為禮部右侍郎協理詹事府右庶子黃

士後為詹事施鳳來為少詹事

神廟清惠順妃李氏祔葬銀錢山恭順榮莊端靖皇貴妃身  
壬辰兵科都給事中趙時用言濟點楚餉額欠五十餘萬宜  
責成楚撫及楚藩司暫那借轉發又所調河南諸士兵狼子  
野心不可倚信宜如粵撫何士晉議止用板角安龍兩路官  
兵間道以分賊勢而遵義為水蘭之衝須重兵扼之大兵則  
入陸廣漸偏賊巢今未可遽撫也命部議

乙未大學士葉向高擬恩詔請復降謫翰林科道各官如文  
震孟鄭鄴毛士龍侯震暘熊德陽賈繼春江秉謙七人上以  
震孟難遽釋

福建道御史周宗建論銓政用人之途宜闢用人之路宜清  
用人之權宜專用人之法宜一上是之

御史劉維忠等言門軍教百窘辱御史趙延慶宜懲治命速  
核

南京兵部尚書陳道亨言陳鼎相以女適齊庶人睿熸鼎相  
自負知兵法謂睿熸齊王苗裔足聳動天下謀舉兵幸鼎相  
母叔兄弟發之并執睿熸以聞

沅陵民家牛生犢二首三尾又民家產瓜人足隻目旋斃

戊戌刑部尚書孫瑋為吏部尚書署左都御史

張邦紀為禮部右侍郎清黃

兵部左侍郎張維世為戶部尚書總督倉場巡撫天津右副都御史李邦華為兵部右侍郎左僉都御史鄭三俊為左副都御史

平遠總兵毛文龍報涼馬佃牛馬之捷斬三百三十五級賜金蟒勞軍三萬金

己亥宣延綏寧夏甘肅之捷告郊廟

山東道御史劉惟忠為太僕少卿福建道御史彭際遇為大理寺右寺丞

庚子兵部右侍郎劉日梧予告以給事中蒲秉權劾其逾年未任也

辛丑太僕少卿侯執蒲為太常寺卿光祿少卿彭端吾大理左寺丞楊鶴文選郎中李逢節並為太常少卿尚寶司少卿錢春為太僕寺少卿

壬寅以皇子生赦天下詔曰朕惟自古帝王繼圖綿曆率隆胤祚以重宗祧朕以眇躬紹承鴻緒夙夜祇念皇祖皇考諸社垂庥詒孫翼子所望早昌嗣續以慰在天之靈蓋三年于茲乃荷皇穹眷祐九廟居歆以今年十月二十二日皇子誕生繫皇貴妃范氏出嘉慶集于邦家懽悰洽于億兆肆頒渥澤誕被多方應有恩條開列于後云云於戲震得男而應索適開長發之祥巽申命以疏恩用佐維新之政布告天下咸

使聞知

甲辰工科給事中楊所脩言河上祖陵之衛宜周海上接應之議宜急仕路澄清之要宜審報聞

乙巳禮科給事中郭興治言吏治之壞繇勸懲之不明貪饕之輩至賊私累萬而處之降調其孤高介特耻效營求而忌者反以為矯激排擠中傷如禮部主事程國祥兩令嚴城家徒四壁而凶人視為當門之蘭兵部主事劉永基兩仕縣令無苞苴無贖鍰竟不行亂如廣東羅定道副使張大猷昔權關許豎節省七千餘金而沉滯蠻烟瘴雨之地且正學粹品之馮從吾清風高節之下承憲而不用如察典久應之蔡獻

臣未斥蠹餉悞國之何棟如未罪烏足以清仕路而神激賞哉事下所司

戊申河套卜失免阿不害等貢馬

翰林編脩侯恪等頒詔各藩尚寶司少卿陳元等頒詔各省直

戶科給事中孫紹統言銓政宜準祖制以京堂言之冗制南北各正卿一少卿與丞或二或三總計不過三十員自起廢之途開一概添註大賢起老庸亦起九奸大貪一察再察者亦起有一署至二三十員而京堂之制失以部屬言之部員職掌亦自匪輕祖宗朝題准戶刑工部司屬無故不得輕調

若勤慎者與吏禮兵部一體序選部分何嘗限人不謂厭薄  
于此覬覦于彼而部官之制失以臺省言之祖制三年一取  
二年二取俱見缺取用今需次候缺多至二年少亦年餘而  
行取之制失以撫臣言之神宗朝令各巡撫官歷任年久方  
許推陞今席未煖而推已至功方新而旌又移而撫臣之制  
失以司道言之陞轉太易條臬條籓近且人人熱心京師矣  
不知世宗朝僉事遞陞副使按察使叅議遞陞叅政布政司  
不必驟更數易者何居而司道之制失以府州縣言之神宗  
初年題准守令以兩考為主知府歷俸六年上下乃得陞遷  
近來知府有三年即陞至于州縣有三年兩調而郡邑之制

失所望掌邦治者為定功令而後外官始各脩實職地方始  
受實政也章下所司

工科給事中方有度言今日生財之孔已盡惟有節之一途  
言節必自宮闈始今宮闈之年例日取其盈海宇之物力日  
受其縮如慧妃冠冊之內辦順妃之衾葬節省已見于天下  
矣尤望益弘儉德擴而充之于百姓不聽

庚戌陝西三邊總督李起元為南京戶部尚書太常少卿楊  
漣為左僉都御史大理右少卿翟鳳翀為右副都御史巡撫  
山東

辛亥吏部尚書趙煥言干進之害居官者皆欲得京堂薦賢